



393825

kalkony

Mag. St. Dr.

III

Biblioteka Jagiellońska



stdr0010965

IN NOMINE DOMINI AMEN.

1042
3417
215087/11
**QUÆSTIO
JURIDICA,**

De
PRIVILEGIIS JURISCONSULTORUM.

*ex c. De multa. & gloss. ibid. v. literas. de Præbend. junct. l. Grammaticos. C. de Professori-
rib. qui in Vrbe Constantinopol. docent. ex lege meruerunt comitivam. Libr. 12.*

DE SUMPTA.

& cum

A
C E L S I S S I M O P R I N C I P E,
ILLUSTRISSIMO & REVERENDISSIMO DOMINO,

**D. ANDREA
STANISLAO KOSTKA**

COMITE IN ZAEUSKIE

Z A Ł U S K I,

EPISCOPO Cracoviensi, DUCE Severiæ,

EQVITE AQVILÆ ALBÆ,

Studii Generalis Regni Scholæ Vniversitatis Cracoviensis

CANCELLARIO,

M. STANISLAUS MAMCZYNSKI,

Utriusq; Juris Licentiatus & PROFESSOR, Collegiæ S. Michælis in Arce Crac: DECANUS,

M. IOANNES PAŁASZOWSKI,

Utriusq; Juris Licentiatus & PROFESSOR, Collegiæ SS. OO. Cracoviæ ARCHIDIACONUS,

M. CASIMIRVS JARMVNDOWICZ,

Utriusq; Juris Licentiatus & PROFESSOR, Collegiæ SS. OO. Crac: CANONICUS,

Utriusq; Juris DOCTORES,

In Ecclesia Collegiata Sanctorum Omnium,

præsente frequentissima Magnorum Hospitum Corona,

RITU SOLENNI RENUNTIARENTUR.

*A supra nominatis Licentiatis & Professoribus, pro more & consuetudine,
publicè ad disputandum*

PROPOSITA. *h. h.*

Anno Domini MDCCXLVIII. 5to Calendæ April.

CRACOVIAE TYPIS UNIVERSITATIS.

Quicumq; contristatus fuerit Docto-
rem veritatis, peccat in Christum,
& Patrem omnium exacerbat DE-
UM, propter quod & vita carebit.

can. Quicumq; ii. qu. 3.



393825 *III*

Q U Æ S T I O J U R I D I C A, De PRIVILEGIIS JURISCONSULTORUM.

U. Jurisconsulti ad jus dicendum
& in perpetuum statuendum
adhiberi soliti, specialibus Privilegiis
ac prærogativis exornati, in publica
solummodo Universitate promove-
ri, & ad quosvis dignitatum gradus
obtinendos, præferri debeant? necne?

C O N C L U S I O I.

Jurisconsulti ad Jus dicendum, & in perpetuum
statuendum vocari & adhiberi solent. I.

1. 3. Reg. 12. Roboam juvenum secutus consilium, passus Regni
divisionem. can. de quibus. dist. 20. can. Esto. dist. 25. colligitur
& ex can. Ecclesia habet. 16. qu. 1. & ibi infr. §. apud B. Hiero-
nymum. c. Ad nostram. de Consuetudine. Rulant. de Commissar.
& Commissionib. Lib. 1. cap. 14. n. 5. Christ. Bessold. in Dissert.
de Studios. Magistr. Licentiat. Doctorib. cap. 9. §. judicandi.
pag. m. 121. & 122.

COROLLARIA.

I. **N**omen Jurisconsultus, seu Jurisperitus, Jurisprudens, Legisperitus, 2. legum & Scriptorum variorum licentiâ, accipitur aliquando pro Magistro, Doctore, Assessore, & Advocato hoc est vocato ad consilium, non verò ad patrocinium: 3. propriè tamen Jurisconsulti dicuntur Doctores, qui docent jus Canonicum vel Civile; qui Theologiam vel Philosophiam & Artes liberales Magistri, 4. à monendo seu à monstrando nominati, 5. hoc est Magister dicitur, quasi major in statione, 6. dicuntur Jurisconsulti etiam Assessores: quamvis Assessoris officium non exigit gradum Doctoralem, modò in persona Assessoris, concurrant peritia & practica, 7. vel publicum testimonium Universitatis Studii Generalis, & quod in aliis similibus officiis publicè fuerit exercitatus: 8. idest Assessores Antecessores, ab antecedendo dicti: 9. antecedeabant enim Imperatores olim pro tribunali sedentes; 10. nunc Assessores, ab assidendo Judici, nuncupati; qui adhiberi solent 1mo. ad soliditatem judicii, 11. 2do. ad majestatem judicantis. 12. Summus enim Sacerdos & Rex noster Christus, institutum istud in lege Evangelica ex Persona sua servari voluit, & curavit id officium sibi præstari ab Apostolis, non quod eorum egeret consiliò, sed ut figuram Majestatis conservaret, ac transmitteret in Vicarium suum. 13.

2. gl. in v. notitia. l. Justitia. ff. de Just. & Jure.
3. l. Nemini. C. de Advocat. divers. judicion. Lotter de Re Beneficiar. Lib. 2 qu. 1. n. 68. & 69. & Lib. 1. in Appar. n. 154. gl. Proëm. ff. §. Is igitur. v. Magistri. l. Qualem. ff. de Arbitr.
4. gl. in Clement. Cum sit. v. Doctoratus. de Magistr. & ne aliquid. &c. Pirbing. Tom. 5. f. 5. §. 2. n. 14.
5. gl. in c. Quoniam. v. Magistro, de Magistr. & ne &c. l. Quibus. ff. de V. S.
6. d. gl. in Clement. Cum sit. lc.
7. Purpur. in l. 1. n. 72. ff. de Offic. Assessor. Francis. de Petr. Festo. Lib. 1. cap. 9. sub n. 5. §. Sane Doctoratus lauream.
8. Salic. in l. ult. sub n. 5. §. quinto, an potestas. C. de Poenis Jud. qui male jud.
9. gl. Proëm. ff. v. Antecessores.
10. gl. Proëm. Instit. Imper. §. Cum hoc. v. Antecessoribus.
11. l. Dubium non est. C. de Repud.
12. l. Humanum. C. de Legib.
13. Id. Lotter. de Re Benefic. Lib. 1. qu. 8. n. 3. & 4.

II. **J**urisconsultus aliàs Doctor Juris, qui ex cognitione rerum Divinarum atq; humanarum, artem boni & æqui sibi comparat, 14. debet esse ingeni sublimis, vim ipsam & potestatem legis attingens; 15. subtiles quæstiones discutere, definire, & responsiones in promptu habere, 16. in responso non hære, 17. casum ex re resolvere; 18. cujus indistincta opinio habetur pro lege. 19.

14. l. 1. ff. de Just. & Jure. Id. Lotter. Lib. 1. in apparat. n. 23.
15. l. Scire leges. ff. de Legib. Id. Lotter. lc. n. 22.
16. Innocent. inc. Cum in cunctis n. 1. ad fin. §. Scientiam autem. & ibi Hostien. n. 15. Joan. Andr. sub n. 12. §. est eminens. Butr. n. 9. Abb. n. 4. de Elect.
17. Id. Lotter. lc. n. 25.
18. Dec. in c. Cum in cunctis, in princip. n. 32. de Elect.
19. Pignatell. Tom. 1. Consult. Canonic. consult. 98. n. 7. Decian. Constit. 11. n. 17. Lib. 3. Alex. Cons. 51. n. 5. & Consil. 55. n. 14. Lib. 4.

III. **J**urisconsultis, quorum munus proprium est judicandi, 20. debet fides maximè adhiberi in ea arte, in qua diutissimè versari fuerunt, plurimàq; experti: 21. q uos Judex super dubio Juris consulere debet, qualiter pronuntiandum sit; 22. aliàs spernens illos, & lædens causam per imperitiam vel dolum, 23. punitur in æstimatione litis. 24.

20 *Id. Christ. Bessold. lsc. fol. 122.*

21 *l. 1. in princip. ff. de Inspicien. &c. l. Septimo mense. ff. de Stat. homin.*

22 *gl. in l. D. Marcus v. Consules nos. ff. de Offic. Presid. Authent. de Judic. §. fin. Coll. 6. l. Eum qui. ff. de Judic. §. si ve peritum. can. De quibus. dist. 20. can. Esto. dist. 95. c. Ad. Nostram. de Consuet.*

23 *l. Si filius familias. ff. de Judic. &c. §. 1. Instit. de Injur. c. 1. in fin. de Consanguinit. & affinit.*

24 *gl. in d. l. Si filius familias. v. eod. lc. l. 1. & 2. C. de Pœn. Jud. qui malè jud. Instit. Imper. §. que ex quasi maleficiis. de obligat. c. Cum æterni. de Re judicat. in 6to.*

IV. **J**udicis mensam tria præcipuè conspicuam reddunt: imò. numerus Jurisconsultorum: 2do Personarum delectus, sed ex principalibus requisitis procedens: sc: ex doctrinæ præstantia, ita; ut non sufficiat assumendum esse in Jure Doctorem, nisi respectu talis gradus sit *illustris*: item ex morum honestate, summaq; innocentia, ita; ut ab omni munere sint munda manus: doctrinæ enim si accedat morum honestas & suavitas, jam omnis perturbatio animi cessabit, quæ nihil deterius in ferendo judicio, Unde Samii Pythagoræ vetus symbolum: *Judici vel Magistratui cor non edendum*: idest nullis animi perturbationibus subiiciendum, ita; ut inimici æquè ac amici decurrant partes: demum ex donis fortunæ quia in benè ordinatâ republica nusquam munus judicandi pauperibus & indigis demandatum fuit. 3tio. modus seu ratio judicandi. 25. firmitus enim est Judicium quod plurimorum sententiâ confirmatur, 26. magisq; defertur sententiæ unius Collegii, quàm singulorum Doctorum. 27.

25 *Id. Lotter. de Re Benefic. Lib. 1. Apparatus. n. 101. §. Auditorium itaq; Campan. in opus de Regen. Magister. fol. 3.*

26 *c. Prudentiam. §. illa quippe. de Offic. Delegat. Honden. Cons. 23. n. 47. Lib. 1. Mant. decu. 344. n. 2.*

27 *Nevizan. Sit. Nupt. lib. 5. n. 35. Aym. Cons. 532. n. 16. Menoch. Cons. 32. n. 45. Id. Lotter. lc. n. 102. & 103.*

V. **J**urisconsultus vocatur etiam justitiæ Sacerdos, 28. quasi sacra dans responsa locò DEI. 29 & quoniam nihil magis decet sapientissimos quàm jurisprudentia: hinc Jurisconsulti, propter excellentiam vocantur Sapientes, consilia eorum, responsa sapientum. 30. Unde Romani de justitia & injustitia belli, de pace componenda, de feriendis foederibus, fecialibus; Jurisconsultis potestatem dederunt. 31. Ergo semper consulendi peritiores, 32. imò & diversi, 33. imò etiam cum minus perito conferre utile. 34.

28 *l. Juris operam. ff. de Just. & Jure.*

29 *Joan. Baptis. de Plot. Cons. 87. n. 22.*

30 *Alvar. Pelag. de plan. Etcl. Cap. 36. in princ. Lib. 2.*

31 *Rulant. de Commissar. & Commissionib. Lib. 1. Cap. 14. n. 5.*

32 *can. fin. dist. 37. l. In bonorum. in fin. ff. de Bonor. possess. l. 2. itid. in fin. Quis ord. in Bon. poss. serv. l. 3. C. de Inge. & ma.*

33 *can. De quibus. dist. 20. c. Prudentiam. De Offic. Delegat. in principio.*

34 *c. Ad nostram. de Consuet. & ibi gl. in v. ad nostram.*

CONCLUSIO II.

Jurisconsulti maximis idq; specialibus Privilegiis, prærogativis ac titulis sunt exornati. 35.

35. c. Super specula. de Magistr. & ne aliquid. &c. c. De multa. de Præbend. c. Gloriosus DEUS. de Reliqu. & Ven. SS. in 6to. can. Multi. de Pœnit. dist. 2. l. Si in ædibus. ff. de Damn. infect. l. Advocati. C. de Advocat. divers. Judic. l. 7. C. de Postuland. l. 2. & 3. C. de offic. divers. Judic. Abb. in c. ult. de Magistr. Leo in Praxi Archiep. cap. de Bon. Cler. 12. n. 17. Bartholom. Chassan. in Catalog. glor. mund. P. 10. confid. 24. Bald. in Proëm. Gregor. in 5. Collat.

COROLLARIA.

- I. **A** Jurisprudencia quæ est divinarum atq; humanarum rerum notitiarum, atq; injusti scientiarum: idest cognitio illarum notitiarum & præceptorum, quæ docent quid bonum, æquum, & justum sit; 36. quæ est omnium aliarum scientiarum maxima & veluti Regina; 37. Jurisconsulti, seu Doctores legentes, dicuntur quidam Reguli, 38. & quod profiteantur scientiam boni & æqui, dicuntur Juris Sacerdotes & Interpretes, 39. amici Principum, 40. luminosæ candelæ ardentes super candelabrum positæ, per quas universum corpus Orbis terrarum tenebris profugatis, veluti sydus irradiat matutinum; 41. fulgent velut splendor firmamenti, & velut stellæ sunt in æternitates perpetuas permanens, 42. sunt radij solares. 43. Vocantur Antecessores, 44. Domini, 45. Patres Juris, 46. Prophetæ, 47. Nobilissimi, 48. Parentes, 49. Patres Principis & non fratres, 50. Professores, 51. Magistri Officii, 52. Præceptores, 53. Sanctissimi, cum Sanctissima lex seu juris scientia dicatur, 54. Celsiores, 55. Magnifici Viri, 56. Justitiæ & Reipubl. Ministri, 57. gloriosi, splendidi, Clarissimi, Prudentissimi, inelytæ recordationis optimæq; memoriz, 58. Consiliarij Principis. 59. &c.
36. l. 1. ff. de Just. & Jur. gl. in Instit. Imperial. Lib. 1. tit. itid. de Just. & Jur.
 37. Alban. Spinazat. Lib. 2. Polit. cap. 1. & 2. de artic. jur.
 38. Bald. in Proëm. Gregor. in 5. Coll. Bartholom. Chassan. in d. Catalog. glor. mund. d. P. 10. Confid. 26.
 39. l. 1. ff. de Just. & Jur. Id. Lotter. de Re Benefic. Lib. 2. qu. 50. n. 17.
 40. l. Dvii fratres. ff. de Jur. Patr. l. Quidquid. C. de Advocat. divers. Judic. l. 1. de Assessoriis. & domest.
 41. c. Super specula. de Magistr. &c. c. Gloriosus DEUS. de Reliqu. & Ven. SS. in 6to. Leo in Prax. Archiep. cap. 12. n. 17. Id. Barth. Chassan. l. Confid. 24.
 42. can. Multi. de Pœnit. dist. 2.
 43. tex. in l. Si arborem. §. Si tamen. v. locus opacus. ff. de Servit. Urban. præd.
 44. In Proëm. ff. §. l. & §. Discipuli.
 45. Autbent. Habita. C. Ne filius pro Patr.
 46. l. 1. C. de Excus. artific. Lib. 10.
 47. can. Si rector. v. Prophetæ quippe. dist. 42.

48. *l. fin. C. de Excus. Tutor.*
 49. *l. Ex Divi. C. de locat.*
 50. *l. 2. C. de Offic. divers. Judic.*
 51. *d. Authent. Habita. C. lc.*
 52. *In Proém. ff. §. his igitur.*
 53. *l. Si in Aedibus. ff. de Damn. infect.*
 54. *l. 1. ff. de Var. & extraord. cognit.*
 55. *l. 2. C. de Offic. divers. Judic.*
 56. *In Proém. Instit. Imper. §. cumq.*
 57. *In Proém. ff. §. discipuli. & §. advocati. l. Advocati. C. de Advocat. divers. judicior.*
 58. *cc. DD.*
 59. *Alex. in addit. ad Bart. in l. 1. C. de Dignit. Lib. 12.*

II. **D**OCTORATUS est Dignitas, & confert honorem Personæ graduatæ, sed accipiendum est de Doctore, qui legit, sive adu docet, & est Rector suorum scholarium, quia à lege jurisdictionem ordinariam habet super suos scholares. 60. Unde Doctores scholarium sunt in dignitate constituti; 61. qui si legerint per 20. annos, dicuntur Illustres Comites. 62. in nostra verò Universitate hac Cracoviensi vigore Privilegij Serenissimi olim ac Inviçissimi SIGISMUNDI REGIS, si itidem per viginti annos continuè lectioni in quacunq; Facultate publicè operam dederint, capaces sunt quarumvis Dignitatum in Regno hoc amplissimo, tum munerum & Officiorum, tam Spiritualium quàm Sæcularium. 63. & non abs re: Doctoratus enim propter literarum scientiam, nobilitati conjungitur & æquiparatur; 64. & sicut Nobiles defendunt Rempublicam, sicut milites armatæ militiæ; ita & Jurisconsulti seu Doctores, dicuntur defendere. 65. Insuper dirimunt ambigua facta causarum, suaq; defensionis viribus sæpè publicis in rebus, ac privatis lapsa erigunt, fatigata reparant; non minus provident humano generi, quàm si præliis, ac vulneribus Patriam, Parentesq; salvarent. 66. inter quos tamen præferuntur illi, qui libros composuerunt seu scripserunt: cum sint maximo honore digni, & sunt velut stellæ in firmamento Cæli, 67. & satis magni, quia invenerunt sapientiam & scientiam, 68. non enim sibi laborant; sed omnibus exquirentibus veritatem, 69. de his verè potest dici illud S. Scripturæ: *beati qui seminant super aquas*, idest super populos. 70. hi omnibus gentibus, recentes semper edunt & floridos sapientiæ fructus, è quibus, quia teneris ætatibus doctrinarum abundantia satiantur, optimos habent sapientiæ sensus, instituunt civilitatibus & humanitatibus mores, æqua jura, leges; quibus absentibus, nulla Civitas potest esse incolumis, quia hi viam veritatis aperiunt. 71.

60. *d. Authent. Habita. C. ne filius. &c. Clement. 2. in princ. & §. ult. de Magistr. &c. Id. Lotter. de Re Benefic. Tom. 2. n. 59. gl. apud Lancell. in Instit. Jur. Can. Lib. 2. t. 15. n. honore. Marc. Ant. Sabell. Tom. 1. Lit. D. §. Doctor. 25. n. 3.*
 61. *gl. in d. l. Habita. C. lc. Pirbing. Tom. 5. t. 5. §. 1. n. 4. & binc colligant. Sperell. in Decis. For. Eccles. P. 2. decis. 167. n. 7. Id. Christ. Bessola. Dissert. de studios &c. d. cap. 9. & Doctor præterea.*
 62. *gl. v. docto. post text. in l. unic. C. de Professor. qui in Urb. Constantinopol. ex leg. &c. Lib. 12. Menoch. de Arbitr. cas. 86. n. 43. Franch. decis. 115. per tot. Gizzarel. & Addent. decis. 10. n. 19. Paul. Christin. decis. 116. per tot. Volum. 5. Id. Marc. Ant. Sabell. lc. sub n. 5.*
 63. *Privilegiū SIGISMUNDI Regis Polon. Crac. F. 4. in crastino S. Laurentij Martyris Annò D. 1535. referente Zalasovio, Jur. Regn. Pol. Lib. 1. de Episcop. Crac. t. 21. §. de Acad. Cracovien. fol. m. 579. & seqq.*

- 64 c. De multa. de Prebend. Gomes. in Reg. de Annal. Possess. qu. 36. Id. Leo in Prax Archiep. cap. 12. n. 26. Guid. Pap. Despin. decis. 88. n. 2. v. multa ergo magis. Schel. Prax. de Consil. sapient. Lib. 1. cap. 5. Tiraquell. de nobilit. cap. 3. n. 3.
- 65 Abb. in c. 1. n. 24. de Postul. Id. Leo lc. pag. 560. n. 21.
- 66 Id. Bartholom. Chassan. in Catalog. glor. mund. d. P. 10. Consid. 24.
- 67 Daniel. 24.
- 68 Eccles. 30.
- 69 It. Eccles. 34.
- 70 c. Cum Martba. §. verum. de Celebrat. Missar. Id. Bartholom. Chassan. lc. consid. 26
- 71 Lucas de Penna in l. Mulieris. C. de Dignit. Lib. 10. Id. Barib. Chassan. lc.

III. **D**OCTOR creatus à Summo Pontifice præferendus est Doctori ab alio inferiore creato, etiamsi talis ab inferiore creatus, fuerit antiquior; 72. intelligendum tamen est, si talis Doctor præviò riguroso examine creatus est; secus si Doctor sit simplici verbo renuntiatus, puta: esto Doctor. 73. Doctoralis enim gradus æstimatio, pendet à rigore examinis, 74. & Doctores magis æstimator, qui gradum obtinuerunt in Universitate, in qua examen rigoriùs est. 75. Sicut ille præferibilis est, qui in majori, famosiori & digniori Universitate creatus est; 76. & ille præfertur inter plures Doctores, qui primò Licentiatus est, & postea Doctor, illi, qui secundò Licentiatus, & primò Doctor effectus fuit. 77. Item & ille præfertur inter plures Doctores, qui plures habet gradus; exemplum in Doctore Uteriusq; Juris: quoniam duo vincula sunt fortiora unò, & magis ligant. 78.

- 72 Id. Bartholom. Chassan. in d. Catalog. &c. P. 10. Consid. 31.
- 73 Id. Chassan. lc.
- 74 Felin. in c. Clerici. n. 3. Dec. in d. c. Clerici. n. 19 & 20. de Judic.
- 75 Id. Lotter. de Re Benef. Lib. 3. qu. 7. n. 170.
- 76 Id. Lotter. lc. n. 171. & Bartholom. Chassan. lc. consid. 32.
- 77 tex. in l. 1. C. de Consulib. Lib. 12.
- 78 c. 1. de Treug. & Pac. Id. Bartholom. Chassan. lc. consid. 33.

IV. **J**URISCONSULTI docentes Jus Utrumq; gaudent privilegio percipiendi fructus Beneficiorum in absentia, per quinquennium, (quod intelligendum est & de Studentibus) 79. & excusantur à residentia: 80. excipiuntur tamen dismembrationes quotidianæ, quæ tantum residentibus & qui intersunt Divinis Officiis dari consueverunt; ideoq; absentes etiam docendi vel studendi causâ non lucrantur. 81. & tali Utriq; Juri debent studere, in Studio Generali, sive celebri Universitate, 82. nec aliàs; non sufficit enim illud studium, quod non est in Universitate, quamvis, in eo optimè legatur, 83. & nisi sit studens ætatis annorum triginta, studiaq; nisi incepisset & illa nondum absolvisset. 84. dixi Utriq; Juri studere debent: quia Doctor Juris Canonici, si non studuit legibus, nihil valet. 85.

79 d. c. Super specula. de Magistr. &c. Abb. in c. ult. itid. de Magistris &c. Felin. n. 2. Garc. de Benef. P. 3. cap. 2. n. 54. Pirhing. Lib. 5. t. 5. n. 8. & 9. Barbos. in Concil. Trid. Sess. 5. cap. 1. de Reform. n. 45. & 46.

80 Id. Pirhing. lc. Garc. itid. lc. Felin. in c. Licet. de Preben. Rebuff. in Prax. t. de Dispens. de non residen. n. 25. & in Tract. de Privileg. scholar. Privileg. 94. & 100. Navarr. in Manual. cap. 25. n. 120. Hoied. de incompatibil. cap. 17. n. 28. Salced. in Prax. cap. 25. Fuscus. de Visit. Lib. 2. cap. 9. n. 10. Anton. Gomez. in Explicat. Bul. Cruciat. cap. 7. ad clausulam. 4. n. 27.

81 c. Licet. de Prebend. c. ult. junct. gl. v. internè. de Magistr. Id. Pirhing. lc.

82. *c. Tua. de Cleric. non residen. c. 2. de Privileg. in 6to. S. Congr. Concil. die 18. April. 1595. Garc. lc. à n. 81. ad 87.*
 83. *Ugelin. de Offic. Episcop. cap. 43. §. 2. Alex. Moneta. de Distrib. P. 2. qu. 10. n. 17. Garc. lc. n. 55.*
 84. *S. Congr. Concil. quam refet Garc. lc. n. 81.*
 85. *Rebuff. Tract. de Nominat. qu. 5. n. 14. Decian. Cons. 42. n. 7. Volum. 1. Id. Lotter. de Re Benef. Tom. 2. qu. 7. n. 90.*

V. **P**RÆTER supra dicta privilegia, prærogativas & titulos, Jurisconsulti sunt exempti ab omnibus solutionibus, collectis, muneribus, ab hospitij militum etiam tempore belli. 86. ad vestigalia cum libris resq; alias transvehunt non tenentur. 87. Si in medio anni decedat Jurisconsultus, alias Doctor actu legens, totius anni salarium ei debetur. 88. Sipropter infirmitatem vel senectutem non legerit, à salario non potest removeri & eodem privari. 89. Stemmata quorumcunq; Nobilium assumere possunt, exceptis familiis magnis. 90. Alios præcedere, eminentiori loco gaudere debent. 91. Ad Judicia dum veniunt, tenentur eos Judex salutare & invitare ad sedendum. 92. nisi quando est hora propriæ causæ. 93. Injuria ipsis à plebejo illata etiam minima, reputatur pro atroci. 94. Extrahens Doctorem de domo sua, poenâ capitis punitur. 95. Jurisconsulti non ligantur Statutis Civitatum, in quibus habitant. 96. Eximuntur à Patria potestate. 97. A sententia contra hunc lata, qui turbat Doctorem legentem, non datur appellatio. 98. Jurisconsulti ad examen, ut alij testes, vocari non debent, sed domi examinari. 99. Possunt exponi ab Ordinario ad excipiendas Confessiones, utpote examinati ad Doctoratum; sicut etiam præsentati ad quævis beneficia Ecclesiastica ab Universitatibus seu Collegijs Generalium Studiorum ab examine excepti sunt: imò si quis extra doctoratum haberet testimonium totius populi, posset promoveri sine examine, utpote notoriè peritus. 100. non excusantur tamen ab examine in concursu ad Parochialem. 101. Utriusq; Juris Doctor, præfertur Doctori in uno Jure tantum; & Canonista, Juris Civilis Doctori. 102. restitutus tamen Doctor ad Collegium non recuperat priorem locum in præjudicium eorum, qui medio tempore sunt doctorati. 103.

86. *Menoch. de Arbitr. cas. 379. per tot. Ricc. Collect. 3109. Aristmm. Topat. variar. sent. t. 86. Vroian. comm. opin. 196. Marc. Ant. Sabell. Tom. 1. Lit. D. §. Doctor. 25. n. 3. Christ. Bessold. Dissert. de Studios. &c. fol. 104.*
 87. *Benn. P. 3. cap. 99. fol. 104. & 105. Id. Bessold. lc. fol. eod.*
 88. *Id. Benn. lc. cap. 22. Id. Bessold. in Thesaur. pract. Jason. in l. In diem functo. ff. de Offic. Assessor. n. 40.*
 89. *Id. Jason. lc. n. 42. Id. Bessold. lc. cap. 9. §. extenduntq;.*
 90. *Id. Chassan. in Catalog. gl'or. mund. lc. Bessold. itid. lc. §. Quamvis.*
 91. *Bolognin. in authentica Habita. n. 63. C. Ne fili. pro Patre. Id. Bessold. d. c. §. praterea. Id. Benn. P. 3. cap. 57.*
 92. *lex. in l. fin. & ibi gl. v. honoratis. C. de offic. divers. Jud. Id. Bessold. lc. §. eod.*
 93. *l. 1. C. de Offic. Civil. Judic.*
 94. *Menoch. Lib. 2. arbitr. cas. 263. n. 17. Benn. P. 2. cap. 47.*
 95. *Hartman. Pract. observ. 4. n. 4. fol. m. 483. Id. Bessold. lc. fol. m. 132. §. extra bas.*
 96. *Speculator. Lib. 4. n. 6. de Const. fol. 76.*
 97. *Schmier. Lib. 3. fol. m. 310. n. 176.*
 98. *Scacc. de Appellat. qu. 17. limit. 1. n. 13. illat. 2.*
 99. *gl. in l. ad egregias personas. ff. de Jurejur. Aretin. consil. 92. Vestr. cap. 3. n. 12. Farinac. qu. 77. cap. 5. n. 214.*

100. gl. in can. Nullus. v. testimonio. dist. 24. Felin. in c. fin. n. 28. de Presump.
 Dec. in c. Constitutis. n. 3. de Appellat. Gonzal. ad Reg. 8. Cancell. gl. 4. n. 86.
 Henricus. Lib. 10. cap. 18. Concil. Triden. Sess. 7. de Reform. cap. 13. Lancellor.
 Instit. Jur. Canonic. Lib. 1. t. 24. & ibi gl. v. testimonio.
 101. S. Congr. Concil. Testibus. Garc. de Benefic. P. 2. cap. 2. n. 103. & Piafec. in Prax.
 Episcop. P. 2. cap. 5. n. 17. Barb. in Collect. Bullar. Lit. D. pag. m. 283.
 102. Id. Lotter. Tom. 2. qu. 7. n. 82. Dec. in d. c. Constituisti. n. 20. de Appellat. & in c.
 Clerici. de Jud. n. 26. Menoch. cons. 126. n. 11. & cons. 902. n. 66.
 103. Id. Dec. in c. Quam. de Privileg. n. 18.

CONCLUSIO III.

Jurisconsultus aliàs Utriusq; vel alterius Juris,
 hoc est: sive Juris Canonici sive Civilis Doctor,
 ut Privilegiis Doctorum gaudeat, solummodò
 in publica Studiorum Generalium Universitate,
 eaq; à S. Sede Apostolica approbata, ritè &
 legitimè promoveri debet. 104.

- 104 Colligitur ex S. Concil. Trid. Sess. 22. de Reform. cap. 2.
 & Sess. 24. itid. de Reform. cap. 8. & 12. S. Congr. in
 Cotronen. 9. Maii. 1637. in Materan. 10. Decembr. 1640.
 & Concil. in Una Papien. 27. Julij. 1652. & in una Elnen. 17.
 Janur. 1643. item censuit. S. Congr. Episcopor. & Regular.
 pro electione in Vicar. Capitul. 19. Aug. 1667. Card. de Luc. in
 Annot. ad S. Concil. Trid. discours. 31. n. 12. & Lib. 15. P. 1.
 discours. 4. n. 23. item P. 2. discours. 44. n. 4. Pignatell. Tom. 1.
 consult. Canonic. consult. 312. n. 1. & Tom. 8. consult. 34. n. 1.
 Melch. Lotter. de Re Benefic. Lib. 2. qu. 7. p. 126. Felin.
 in c. Per tuas. sub n. 3. & limita primò de Majorit. & obed.
 Petr. Leuren. Tract. Quaternar. de Episcopor. Vicar. Tract. 3.
 cap. 4. qu. 557. n. 15. & 6.

COROLLARIA.

- E**. DOCTORATUS gradum assumens extra Universitates Publicas Generalis
 Studij præsuntur indoctus; 105. & dicitur Magister, seu Doctor
 fictus, vel bullatus, 106. & quibus Ecclesia non eget, sed tantum Viris
 Literatis. 107. tales enim Doctores præsuntur non habere suo gra-
 dui correspondentem scientiam, quia non sunt publicè examinati. 108.
 in super;

insuper: fallunt Rempub. atq; Ecclesiam in magna re, gradus enim ille datur, ut Ecclesia idoneos habeat Doctores, qui hæresibus resistent, infideles convertant, & credunt tum Principes, tum Episcopi Academijs, a quibus sine gravi scelere, falli & irrideri non possunt. 109. Confidunt Professoribus Universitatum, tanquam Præceptoribus, qui ingeniorum scholasticorum debent esse iusti æstimatores, vel ex frequentia colloquutionis, & auditionis illorum, vel ex examine, quod habere debent antequam testimonium dent eruditionis. 110. Hinc JULIUS III. refert in sua Constitutione abulum, quem emendavit, quod multi Juris Civilis & Canonici ignari, ad Doctoratûs gradum aspirantes, indebitè sub prætextu, quod in aliqua Universitate Studij Generalis operam dando intantum profecerint, ut idonei existant licentiam à S. Sede Apostolica obtinerent, vel extorquerent, ut ab aliquo Prælato seu à Persona in dignitate Ecclesiastica constituta, etiam de propitijs extorquendo insignia Doctoratûs in Romana Curia suscipere valerent, & ejusdem licentiæ prætextu examine ad id requisito, & alijs necessarijs desuper minimè adhibitis, contra SS. Canonum Statuta, & Juris dispositionem, in illius Doctoratûs dignitatis opprobrium, se ad illius gradum faciebant promoveri, unde gradus talis ex præmissis vilescibat. 111. Revocavit & PIUS V. Constitutione sua, idq; propter omissam necessariam in gradibus concedendis examinationem, facultates Comitum Palatinorum & aliorum, gradus concedendi, & simul voluit ab illis doctoratos vel graduatos, non gaudere privilegijs graduatorum, quod ad dignitates, aut alia Beneficia. 112.

105 Fel. lc. de Major. & obed.

106 Id. Lotter. lc. n. 127. +. Vide Lotter lc. n. 128. & 45. Pignatel. Tom. 1. Consult. 222, n. 1. qualiter Doctores bullati vocantur.

107 Id. Lotter. lc. n. 46.

108 Id. Pignatel Consult. Tom. 1. d. Consult. 222. n. 5. Matth. Coler. P. 2. cap. 3. n. 13. de Proe. execut. Bennius P. 2. in Proem. de Privileg. Jurisconsult. Roland. lib. 1. cap. 14. n. 8. de Commiss.

109 Id. Pignatel. lc. n. 9.

110 Id. Pignatel. lc. n. 6.

111 JULIUS III. in Constit. Cum sint. 6 Febr. 1552.

112 PIUS V. in Constit. 60, Quamvis à Sede. Calend. Junij. 1568.

II. SUPRA dicta procedunt: imò: de Episcopis, quorum circa consecrationem inter alia requisita observanda; requiritur etiam ut quilibet eorum sit Doctor, aut Licentiatus in S. Theologia, vel Iure Canonico, aut saltem publico alicujus Academiæ testimonio idoneus ad alios docendos repertus. 113. Sed GREGORIUS XIV. in sua Constitutione addidit, ut circa doctrinam promovendi ad Episcopatum peculiaris diligentia adhibeatur, ita ut Privilegium Doctoratûs aut Licentiaturæ nemini suffragetur, sed de eorum etiam doctrina diligens fiat inquisitio, nisi ex aliqua functione illud notorium esset. 114. 2dò. de Vicario Capituli Sede Episcopali vacante, qui eligi debet Doctor aut Licentiatus in Jure, aliàs deputatio erit nulla & devolvetur ad Metropolitanum. 115. ubi hic intelligendum: quod quandocunq; loquitur Concilium de Doctoribus, loquitur de Doctoribus in publica Universitate promotis, nec verisimile est Concilium intelligendum quoq; de graduatis extra Publicas Universitates Generalis Studij, cum in talibus locis præsumitur doctrinæ defectus, & vocantur Doctores bullati, ut dictû hic supra. 116. 3tio. de Archidiaconis, Scholasticis, tum & Poenitentiarijs Cathedralibus, 117. ac etiam alijs dignitatibus Ecclesiasticis requirentibus gradum Doctoratûs, in Universitatibus

veritatibus Generalium Studiorum per examen rigorosum, non verò habentibus privilegia Doctoratûs, quæ ab Urbe nullo prævio examine à particulari persona vel certis Officialibus mitti solent, usq; ad domum graduati; cum ut dictum supra per Constitutionem PII V. expressa revocata sunt & annullata omnia privilegia & indulta, etiam quibusvis Curiae Romanæ Officialibus, Collegijsq; singulis, alijs personis uniuscujusq; statûs, gradûs, Ordinis & præminentiae existentibus ad Doctoratûs, Licentiaturæ & Magisterij gradum promovendi per quoscunq; Romanos Pontifices Prædecessores suos, ac etiam per ipsum PIUM etiam motu proprio deq; certa scientia & plenitudine potestatis, quomodolibet concessa, confirmata & innovata. 118. Solus duntaxat excipitur Summus Pontifex, ut si contingat eligi in Pontificem Maximum, qui non sit Jurisconsultus, illicò autoritate juris efficitur Utriusq; Juris Doctor. 119.

113 Anton. Novar. in Sum. Bull. pag. apud me. 221.

114 GREGORIUS XIV. in Constit. Onus Apostolica. Idib. Maii. 1591.

115 Concil. Trid. Sess. 24. de Reform. cap. 16. Meroll. Tom. 3. decis. 7. dub. 18. n. 186. Vulpe. in princ. cap. 44. n. 15. Dian. P. 8. Tract. 4. resol. 56. Ventrigl. Annot. 15. §. 2. n. 12. Barbos. Jur. Eccles. Lib. 1. cap. 32. n. 49. & 50. Pignatell. Tom. 8. consult. 34. n. 2. Garc. p. 5. cap. 7. n. 9. & 10. ubi per expressum adducit Decreta plura S. Congr. Concil. super d. cap. 16. Concilij. 1. in una, Tridentina his verbis - Vicarius Vacante Sede Episcopali debet eligi Doctor, aliàs electio sit irrita. 2. dum. in una Macaren. his verbis - Si Episcopus demortuus reliquit Vicarium quem elegerat, cum non esset Doctor, Capitulum non debet eum confirmare, sed alium qui sit Doctor eligere. 3. in una Panormitana & alia Argentina. Si Episcopus demortuus reliquit Vicarium quem elegerat, cum non esset Doctor, Capitulum non debet eum confirmare, sed alium qui sit Doctor eligere, ex Congregationis sententia &c.

116 Lauren. Tract. 3. de Capitul. Sed. vacant. qu. 557. n. 6. Lotter. de Re Benefic. Lib. 3. qu. 7. à n. 126. Ventrigl. d. Annot. 15. §. 2. n. 6.

117 Id. Concil. Trid. Sess. 24. de Reform. cap. 8. & 12. & Sess. 23. itidem de Reform. cap. 18.

118 PIUS V. in d. Constit. 60. Quamvis à Sede. Leuren. d. Tract. 3. de Capitul. Sed. vacant. qu. 557. n. 6.

119 Bald. in c. 1. n. 6. de Confess. Felin. in c. Nonnulli sub n. 18. ad fin. & Unde dicit. de Rescript. Id. Lotter. de Re Benefic. Tom. 2. Lib. 3. qu. 7. 118.

III. **Q**uamvis doctorari possit aliquis, cujus scientia nota est, sine examine, non solum ijs qui suffragium ferre debent pro Doctoratu, sed etiam cæteris, ita; ut debeat esse publica; quia sicut Doctoratus est gradus publicus, ita etiam habilitas debet esse publica ut tollatur suspicio; quod inhabiles doctorentur: 120. nihilominus jura & consuetudines Universitatum Generalium Studiorum doctorandum liberum & immunem ab examine rigoroso, haud unquam dimittunt: imò antequam fiat Doctor, debet imò præsentari à suo Professore vel Doctore, cum affirmatione de peritiam. 121. tandem debet tentari & examinari rigorosè & approbari à Doctoribus vel ab ordine Professorum Collegij vel Studij Generalis, exponendo eundem literario certamini, ut sit moris in scholis: 122. à quo circa examen debet requiri, an in Universitate publica studuerit juri per quinquennium? sine hoc enim requisito nemo ad Doctoratum promoveri potest: 123. an sit legitimè natus, vitâ moribusq; commendatus? an docendi peritiam habeat? dicendi facundiam? interpretandi subtilitatem? differendi copiam? 124. an non sit infamis, 125. condemnatus ad fustes, 126. Apostata, 127. Judæus. 128. Neophytus (nisi cum eo dispensetur)

129. vel homo cohortalis conditionis, 130. aut læsæ existimationis, 131. ut digna dignis conferantur, 132. Siquidem dignitas Personæ, pro obtinendis Ecclesiasticis dignitatibus æstimatur ex moribus, scientia & alijs habilitatibus Personæ. isthæc omnia in ipsis Universitatibus publicis & approbatis, prius excoquuntur, quam confertur gradus in Jure. 133. & licet peritia & summa facundia Doctori sit necessaria, siue in scholis doceat, 134. siue consulat & advocet, 135. principale tamen ejus studium, verietur in compositione morum, cum oporteat prius animos & postea linguas fieri eruditas, 136. alias debet esse eruditus, mansuetus, rigidus, antiquus, non negligens, non arrogans. 137.
- 120 Dec. in c. Constitutis. de Appellat. n. 7. gl. in can. Nullus. v. Testimonio dist. 24. Felin. in c. fin. n. 28. de Presumpt. Ceval Comm. contr. P. 2 qu. 302. n. 14. Gonzal. ad Reg. 8. Cancell gl. 4. n. 86. Henric. Lib. 10. cap. 13 Archugn. in d. c. Nullus. n. 3. dist. 24. Lauret. de Franch. Controv. P. 1. de approbat. Confess. qu. 3. n. 1398.
- 121 Bart. quem Abb. refert. in l. 1. C. de Athlet. Lib. 11. & in l. Magistros. sub n. 2. §. sed adverte. C. de Professorib. & Med. Lib. 10. l. Nemini. c. de Advocat. divers. Judic. gl. in can. 1. 12. q. 1. d. Abb. in c. Proposuisti n. 12. & 13. de Probat. Mandos. de signat. grat. §. Licentia doctorandi. §. siue licentia. Gomes. in Tract. brevi. n. 43. & 44.
- 122 Id. Dec. in c. Proposuisti. de Probat. n. 37. Lotter. de Re Benefic. Tom. 2. Lib. 3. n. 7. Pignatel. Consult. Tom. 1. Consult. 222 Panorm. ad c. 3. n. 17. de sent. & re jud.
- 123 Rota in una Tridentina Decanatûs & Canonicatûs. 25. Febr. 1633. coram Cocchino in Decisionib. apud Paul. Rubeum. decis. 183. n. 8. & 9. l. Jubemus. & l. Petitioni. C. de Advocat. divers. Jud. Bald. in d. l. Petitioni. lc. Id. Abb. in c. Super Specula. de Magistris. Rebuff. de Privileg. Scholar. privileg. 84. Id. Pignatel. Consult. Canonic. Tom. 2. Consult. 46.
- 124 l. Grammatices. C. de Professorib. qui &c. Lib. 12. Id. Chassan. P. 10. Catalog. glor. mund. consid. 26. Id. Dec. in d. C. Proposuisti. de Probat. n. 61. & 62. Modit. §. Prudent. responsa. dub. 1. n. 4. Bessold. dissert. de studios. &c. cap. 9. §. Unde.
- 125 Regula 87. in 6to. l. 2 C. de Dignitat. Lib. 12.
- 126 Verall. decis. 219. n. 3. & 4. P. 3. Id. Lotter. lc. n. 164.
- 127 Bart. in 1. Constit. C. sub n. 12. Mandos. lc. §. Apostata.
- 128 Id. Bart. lc. Id. Mandos. iid. lc. §. Judæis autem nunquam indulgetur. Ricciul. de Jur. Personar. extr. Eccles. Lib. 2. cap. 25. n. 5. Id. Lotter. lc. n. 166.
- 129 can. Constituit. & ibi gl. in v. qui ex Judæis. 17. qu. 4. Id. Ricciul. Tract. de Neophyt. cap. 5. n. 1. Petr. Lenand. Tract. de Privileg. Doctor. qu. 17. n. 63. Roman. sing. 679. §. Sed quid de eo. Id. Mandos. lc. ad fin. §. Neophytis vero.
- 130 l. ult. C. de Advocat. divers. Jud. Id. Lotter. lc. n. 162.
- 131 Cujac. in l. Magistros. §. Massarius. v. Prætorij viri. in Præem. Instit. de orig. Jur.
- 132 Id. Lotter. lc. n. 156. §. infertur octava.
- 133 Rota. decis. 167. n. 3. & 12. P. 2. in recen.
- 134 l. Magistros. C. de Profess. & Med. Lib. 10.
- 135 l. 1. §. in honorarijs. C. de var. & extraord. cognition. l. ult. de Advocat. divers. Jud.
- 136 d. Rota. lc. §. item secutus. Cujac. in d. l. Magistros in Præem. Instit.
- 137 Boet. de discipl. scholar. Lucas de Penna. qu. 8. Chassan. in Catalog. glor. mund. P. 10. consid. 26 refert.

IV. **A**d quem spectat Doctoratum tribuere, prius à doctorando finito examine ut præmissum est rigoroso, debet recipere juramentum, hoc est Professionem fidei; 138. quam si non emisit doctorandus, Doctoratus nullus,

ius, invalidus, nulliusq; momenti est. 139. Insignia tandem pro more Universitatum & facultatis doctorando tradere debet: 1^{mo} scilicet *L. & brum*, ne recedat Volumen de ore ejus & manu: 140. 2^{do}. *Biretum* alias habitum Doctoralem, dictum *bis rectum*, ad modum coronæ, in signum veritatis & doctrinæ, ut talis sit in mente, qualis fuerit in conversatione, ne à docendo cesset: non coronabitur enim, nisi qui legitime certaverit: & poni solet in capite de substantia Doctoratûs, in signum perfectionis, cum sit sphericæ figuræ; angulo carens: 141. 3^{to} *Annulum*, ad denotandum, quod per eum factus est verus sponsus scientiæ, quam profitetur, docendamq; suscepit: 142. & sicut per eum, contrahitur matrimonium inter virum & uxorem, ita inter scientiam & Doctorem. 143. 4^{to}. *Cathedram* occupandam permittere: animadvertere tamen debet doctorandus, quod non Cathedra facit Doctorem, sed Cathedram Doctor. 144. 5^{to} *Osculum* pacis ut fœdus pacis in facultatibus Jurium servet perpetuum, 145. 6^{to} *facultatem legendi* in Professione sua, Autores sive Doctores Classicos ab Ecclesia receptos & approbatos, eosdemq; glossandi interpretandi, publicè ac privatim disputandi ubiq; locorum cum Doctoratu confert. 146. Ultimò tandem benedictionem Doctorato conferre debet. 147. quæ tamen cum osculo de bene esse, seu ad bene esse reputatur, quam de insignijs Doctoralius. 148. In aliquibus tamen Universitatibus (exceptâ Nostra) confertur circa Doctoratum zona aurea, seu catena, quâ præcingatur Doctor, ad distinctionem personarum non graduatarum. 149. denum post collationem Doctoratûs, Pedellus, sive apud nos Bedellus, recitat juramentum Neo Doctori quod hunc gradum in alia Universitate non reassumet & ad quemcunq; statum perveniet bonum Universitatis promovebit, ad quod respondet Neo Doctor clara & intelligibili voce *jur.* 150. quia sicut militia non reduplicatur, si pluries militatur, hoc est in pluribus diversis exercitiis militans, dici non potest duplicatus vel multiplicatus miles: ita suscipiens Doctoratum in duabus vel tribus Universitatibus non debet dici bis, vel ter Doctor. 151.

- 138 PIUS IV. in Constit. 88. In. Sacrosancta B. Petri. §. 2. 4. Mensis Decembr. 1564. Concil. Trident. Sess. 24. de Reform. cap. 1. & 12 Constit. Provinc. Lib. 1. t. 2. de Profess. Fidei. pag. 2. & Lib. 5. t. de Doctorib. bullat. fol. 383. & seqq. Leo in Praxi Archiep. pag. 409. n. 4. de Postul. &c.
- 139 Id. PIUS IV. d. Constit. 88. §. 6. Joan. Andr. in Clement. Cum sit nimis de Magistr. & ne &c.
- 140 can. Lector. dist. 27.
- 141 gl. in Clement. de vita & honest. Cleric. v. & tonsuram Chassan. in Catalog. glor. mund. P. 10. confid. 36. §. secundo sed. Lotter. de Re Benefic. Tomo 2. n. 73. Bald. in Præd. Decretal. in princip. n. 24.
- 142 Luc. de Pen. in l. unica. C. de Profess. & Med. Lib. 12.
- 143 Id. Chassan. lc. §. tertio datur.
- 144 can. fin. dist. 40. Id. Chassan. lc. §. quarto Cathedra.
- 145 c. Pacem de Consecr. dist. 2. Joan. Andr. in Clement. 2. de Magistr. v. insignia. Cardinal. Flor. alias Zabarell. in d. Clement. 2. qu. 1. principali. Id. Chassan. lc. §. Sexto datur. gl. in d. Clement. 2. v. insignia.
- 146 Tusch. Lit. D. Conclus. 560. Christoph. Bessold. in sua dissert. cap. 9.
- 147 Panorm. in c. Proposuit. n. 13. de Probat. Mascard. in d. de Probat. Concl. 527 Volum. 1. n. 15. Coler. de Process. execut. cap. 13. n. 129.
- 148 Id. Card. Flor. alias Zabarell. in d. Clement. 2. lc. Id. Chassan. lc. §. septimè est.
- 149 Id. Chassan. lc. §. Quinto datur ei. Id. Christoph. Bessold. lc. §. sicq; Doctoribus.
- 150 Consuet. Facult. Juridicæ & aliarum Facultat. omnium Universitat. Nostræ.
- 151 Card. de Luca. de pensionibus. disc. 46. n. 18.

V. **D**octor non dicitur ante insignia suscepta, sed duntaxat Licentiatu
 152. imò si non est, & se pro Doctore gerit, tenetur poena falsi. 153
 utens autem insignijs Doctoralibus antequam esset Doctor, puta qui por-
 taverit insignia Doctoralia, si postea efficitur Doctor, non debent ei dari
 talia insignia ob poenam. 154. quodsi verò doctorari se fecit in Civitate
 quæ communiter exercebat facultatem doctorandi, tamen ipse sciebat,
 quod illam non haberet, non est Doctor. 155. & talis si est habilis excu-
 satur à peccato ambitionis, si verò inhabilis non excusatur a peccato
 præsumptionis, & incurrit peccatum mortale. 156.

152 Dec. in c. Eam te. de Rescript. n. 21.

153 Id. Dec. in c. 3. de Probat. n. 22. & in c. Tuarum. de Prileg. n. 42.

154 colligitur ex can. Quidquam. & Si forte in lectione. & gl. in v. exhorruit. 1. qu.
 1. Id. Bbassan. l. confid. 38.

155 Id. Dec. in c. Sciscitatus. de Rescript. n. 40.

156 Id. Lotter. de Re Benefic. Lib. 2. qu. 7. n. 47.

CONCLUSIO VI.

Jurisconsultus ad quosvis dignitatum gradus ob-
 tinendos, alijs non graduatis, & non idoneis
 præferri debet. 157.

157. colligitur ex Concil. Trid. Sess. 23. de Reform. cap. 18. ad fin.
 Sess. 24. itid. de Reform. cap. 8. 12. & 16. Bessold. de Studios. & c.
 cap. 9. fol. 122. & Dignitates. & v. Quinimo. Benn. P. 2.
 cap. 28. Lotter. de Re Benefic. Tom. 2. Lib. 3. qu. 7. n. 197.
 Przylus. Lib. 1. cap. 4. fol. 88. & ibid. in margin.

COROLLARIA.

I. **D**octoratus est magna prærogativa in Ecclesia, & Beneficialibus vigo-
 re cujus præferibilis est quilibet ad dignitates obtinendas, 158.
 per hunc enim diversi status in Ecclesia, conservant ejusdem Ecclesiæ
 unitatem, dignitatem, & auctoritatem. 159. hinc Episcopus Doctor
 præcedit non Doctorem, quamvis prius ad Episcopatum promotum; 160.
 quorum quilibet Viros in jure peritos in suis Curijs fervare, & fovere
 debet in partem sollicitudinis & regimen curæ Pastoralis. 161.

158 Rota. decis. 895. Lib. 3. P. 3. divers. Gregor. decis. 21. n. 4. Lotter. l. c.

159 Id. Lotter. de Re Benefic. Tom. 1. qu. 16. n. 3. Chassan. in Catalog. glor. mund.
 1. P. confid. 9. ad fin.

160 Gemin. in can. Isidorus. ad fin. & quod notat. dist. 13. Felin. inc. Clericis. sub
 n. 3. post med. versum. Doctor qui est. de Judic. Boer. de Ord. grad. cap. 1. n. 19
 Menoch. Cons. 902. n. 67.

161 Constit. Provinc. Lib. 1. c. de Offic. Ordinar. pag. 80.

II. **C**lericis, quicumq; sint, sive minorum sive majorum Ordinum: hoc
 est, sive in Sacerdotio, sive in Sacris; sive nec in Sacerdotio, nec in
 Sacris; item sive in altiori dignitate, seu in gradu inferiori constitutis,
 Sacros Canones non licet ignorare; 162. non enim illos ignorantia ex-
 cusat, 163. quam Ecclesiastici Viri fugere debent, 164. hinc est, quod
 literis carens, sacris non potest esse aptus Officijs, neq; præferibilis. 165
 ex quo ignorantia mater cunctorum errorum, maximè in Sacerdotibus.

- DEI vitanda est, qui docendi officium in populis susceperunt. 166. & si ignorans eligitur, cassanda est ipsius electio. 168
- 162 *can. Nulli. dist. 38.*
- 173 *can. Illiteratos. dist. 36. & gl. ibid. v. illiteratos. can. Qui Ecclesiasticis. dist. ead.*
- 164 CLEMENS I. *Epist. 3. can. Ignorantia d. dist. 38. & gl. ibid. v. ignorantia. Concil. Tolet. IV. cap. 24.*
- 165 *Concil. Aurel. III. cap. ult.*
- 166 *Concil. Arelat. IV. cap. 3. can. Ignorantia. can. Si ignorantia. dist. 38.*
- 167 *c. Qualiter post. de Elect.*
- III. **Q**uoniam scientia commendatur præsertim in Ecclesijs. 168. unde Ecclesia indiget Viris Literatis. 169. & ideo Literati, consequenter Doctores ad Beneficia præferibiles sunt, 170. illiterati verò repelluntur etiam à dignitate Ecclesiastica, 171. & sic in collatione Beneficiorum, magis odiosus est illiteratus, quam homicida, 172. & peccat Clericus qui patitur defectum scientiæ. 173.
- 168 *Philip. Dec. super Decretalib. in c. Prudentiam. de Offic. Delegat. n. 2.*
- 169 *can. Qui Ecclesiasticis. dist. 36. c. Cum ex eo. de Elect. in 6to. c. fin. de Magistr. & c.*
- 170 *c. De multa in fin. de Prabend. Id. Philip. Dec. lc. n. 3.*
- 171 *can. Pracipimus. dist. 34. c. fin. de temporib. Ordin. & gl. in c. Qualiter. de Elect. & elect. potest.*
- 172 *Innocent. in c. Cum nostris. de concess. Prabend. Id. Dec. in c. Prudentiam. de Offic. Delegat. n. 6.*
- 173 *c. Cum in cunctis. de Elect. Abb. inc. Venerabilis. in fin. de Prabend. ubi allegat. Innocentium in d. c. Cum in cunctis.*
- IV. **V**icarij Capituli Sede vacante Episcopi debent esse Doctores. 174. item Archidiaconi, 175. idq; intra unius anni cum dimidio decursum se promoveri in Doctores curare debent, sub privatione eorundem Archidiaconatum suorum, 176. Scholastici, Pœnitentiarij, Cathedralis, Prædicatores, 177. Examinatores, 178. demum omnibus Cathedralibus Ecclesijs Doctores præficiendi sunt, 179. ac præferibiles alijs ad dignitates Ecclesiasticas requirentes gradum Doctoratus. 180.
- 174 *Concil. Trid. Sess. 24. de Reform. cap. 16.*
- 175 *Id. Concil. Trid. Sess. ead. de Reform. cap. 8. & 12.*
- 176 *Constit. Provinc. Lib. 1. tit. de Elect. & Offic. Archid. pag. 56.*
- 177 *Id. Concil. Trid. d. Sess. 23. de Reform. cap. 18. Rot. Decis. 234. coram Merlinis 16. Novembr. 1633.*
- 178 *Id. Concil. Triden. d. Sess. 24. de Reform. cap. 18.*
- 179 *Id. Concil. Trid. Sess. 22. de Reform. cap. 2.*
- 180 *PIUS V. in Constit. 60. Quamvis à Sede. l. Jun. 1568. Leur. Tract. 3. de Capitul. Sede vacant. qu. 557. n. 6.*
- V. **Q**uamvis Jurisconsultus dicatur per Antonomasyam sapiens, qui præferri possit dignitatibus; 181. intelligendum tamen est, re scilicet & opere: 182. hinc dicitur, non omnem Doctorem, doctum esse, bene tamen è converso, omnem doctum esse Doctorem. 183.
- 181 *Lotter. de Re Benefic. Lib. 3. qu. 7. n. 113. & 114.*
- 182 *Id. Lotter. Lib. 1. de Re Benefic. in Apparat. n. 128.*
- 183 *Lucas de Penn. in l. 1. sub. n. 9. y. Nec omnis Doctor. C. de Athlet. Lib. 10.*

Hinc
ILLI

Qui inventus est in Templo sedens in medio Doctorū.
Laus, Honor, Virtus, & Gloria in sæcula.

